

符圖

洞玄靈寶三部八景二十四住圖

大運告期亦明明光三景朗煥五劫始分元  
 始天尊與十方大聖至真尊神元極太上大  
 道君飛天神人玄和王女元鞅之衆同坐南  
 浮罔陽上館相陵舍中清泱空泊素語自然  
 靈音十合妙唱聞真諸天權樂日月停輪星  
 宿照度九天初闕河海靜波山嶽吞煙龍麟  
 踴躍人神權焉是時太上天極道君稽首作  
 禮上由天尊今日侍坐太漢開昏元極世界  
 一切見明法音遐振澤被十方過泰因緣劫  
 劫化生轉輪聖位任居總英方當玄御部判  
 六天考劫理運料度種民推莽長夜檢實三  
 官役夢任重惟威難言敢附靈風回攝披心  
 前與元始天王俱於長桑碧林園中聞天尊  
 並告大聖尊神云洞玄天文靈寶至真有三  
 部八景神二十四圖上應二十四真中部二  
 十四炁下鎮二十四生靈靈章瓊瑤妙絕空洞

新書卷之八十

觀之者九天書名金簡記錄生死得仙來運  
 當促三五傷畏萬兆短命流洩八難風刀痛  
 體五苦備嬰淪於長夜不觀三光无知受對  
 任運死生撫之生化痛感八神令大慈道行  
 惠澤普隆伏願天尊有以哀矜冀發玄科教  
 所未聞使來見者見未成者成福流一切億  
 劫恩而蒙訓授報當承神鼓風因流陽波清  
 蕩三界爾檢衆魔都正六天職斬羣邪安園  
 育民使陰陽寧明化既興道暢太虛矣於是  
 天尊仰而含笑有青黃赤三色之氣從口中  
 而出光明徹照十方内外无幽无隱一切曉  
 明金書紫字玉文丹章文絲煥爛在三炁之  
 中三部八景神二十四真各從千乘萬騎在  
 空玄之上輔衛靈文諸天日月流灑華光衆  
 津交灌飛香八纏萬聖稱慶一時禮真天尊  
 告曰今生一切惟樂難磨傾心露蘊情無遺  
 隱當依玄科七寶鎮靈黃金為增後子神真  
 之道道尊法重四萬劫一行下世度人如則  
 其降世則禍臻今已相告明識之焉太上道  
 君欣喜惶懼唯北向而立又手聽命天尊登

命九光太真十方飛天侍經王郎披九光玉  
 籙出金書紫字玉文丹章三部八景二十四  
 圖盛以白玉立空之案九色之中雲精空結  
 飛文錦蓋懸覆經上諸天大聖无極天尊飛  
 天神王三天真人同時監盟燒香散花誦詠  
 靈章旋行宮城繞經三周一依舊典俯仰之  
 格自然威儀付度道君法事粗畢三景復位  
 衆真退席是明亦明天中是男是女莫不軌  
 德歸心信向皆得度世  
 上皇元年九月二日後聖李君出遊西河歷  
 觀八方值元始天王乘八景玉輿駕九色玄  
 龍三素乘雲道從羣仙手把華幡師子白鶴  
 爾歌邕邕浮空而來同會西河之上李君稽  
 首請問天王昔蒙訓授天書玉字二十四圖  
 雖得其文未究妙章雖有圖讚而無其像修  
 之養焉妙理難詳今過天尊喜慶難言願垂  
 成就極其道真於是天王口吐洞玄內觀玉  
 符以授於君使清齋十日五香薰體東向服  
 符子形神備見自當洞達諸疑頓了李君稽  
 首奉承教旨具依天儀長齋十日東向服符

三部八景神並見口吐金書玉字二十四圖  
空中而明文彩光鮮洞徹無窮羅縷自然是  
時即命主圖上仙而畫圖為金書紫字玉文  
丹章於此成青自南極上元九光太真王夫  
人東西二華南北真公五嶽神仙清靈真人

所受真文蓋是後聖所畫圖像而各像之為  
真人沐浴東井圖上部第一真氣頌

天河灌東井石景水靈精圖光拂靈羅玄輝  
瑩高明元始披重夜天人逐月生沐浴蘭池

上龍黃長庚銜金童灑香華玉女流五星冠  
帶濯玉津練度五仙形體香萬神降乘素登

高清

神仙五嶽真形圖上部第二真氣頌

妙哉元始道五靈教真文上開龍漢劫煥爛

三景分十部飛天書安鎮五帝神靈徵水玄

宮鬱勃吐實雲上有不死炁殖牙練五仙玉

芝玄中與體潔自主兼精思高靈降交遊上

帝君

通靈決精八史圖上部第三真氣頌

三景吐靈華晃朗八門開中有智慧神被服

飛天衣八史通靈氣玉符洞精微寶雲映玉  
守巨獸振天威煥爛八會宮紛紛靈人飛思  
精揚真氣五符生元輝八景策玉與上登入  
紫微

神仙六甲通靈圖上部第四真氣頌

靈宮飛天女六真宴常陽祀日黃明月仰禱  
三晨光通靈光幽微洞觀朔十方招致自然

廚玉芝六府昌變化練萬神分形改正容乘  
虛步玄都高奔八空洞時降金宵人解於三

素房構架飛蓋道還昇玉京

神仙九宮紫房圖上部第五真氣頌

紫房曠高消宮室互相扶香煙繞日月飛天

醫太虛至真大聖聚蕭條詠羽書開度諸天

劫塵沙始一周九氣固靈運長保天地居精

思安能連紫宮生我軀

元始太清圖上部第六真氣頌

太清無邊際青氣鬱紫微靈風迅七寶琳樹

何華葉葉風為長條龍麟夾橫馳太上觀十

方闡天整法衣旋行繞宮城三周長夜開若

能思靈氣自得乘景飛

神仙真道混成圖上部第七真氣頌  
蕩蕩元始初混沌氣未分三色無中化迴合  
靄慶雲幽冥生真景煥落敷靈文豁朗長夜  
府植立天地根自然妙真氣淳淳氣常存運  
通九天界開度諸天門

神仙西昇寶籙圖上部第八真氣頌

乘運迅靈氣駕景昇西宮之造玉那國萬乘  
來相從神魔稽首伏天王並歸降分金執正

法世恭道德王故施正真氣別號度一方是  
時有道世稱曰福德堂


靈寶神仙圖曰上部八真神圖以洞天元始

之氣化生自然八景上真在人身中致上元  
生氣精心內思八真見形千乘萬騎運致景


雲載人上昇  
玉符

第一景聰明神名覺元子字道都色白一景

玉符上元洞天炁部一景神符並朱書




第二景鼓神名玄父華字道衡色玄二景王  
符上元洞天炁部二景神



第三景皮膚神名通乘仲字道連色黃三景  
王符上元洞天炁部三景神



第四景目神名靈監生字道畫五色四景王  
符上元洞天炁部四景神



第五景項髓神名靈護蓋字道周色白五景  
王符上元洞天炁部五景神



第六景臂神名益曆輔字道柱白玉色六景  
王符上元洞天炁部六景神



第七景鼻神名仲龍王字道微青黃白三色  
七景王符上元洞天炁部七景神



第八景舌神名始梁時字道岐色赤八景王  
符上元洞天炁部八景神



神仙圖四八景神其王符上元洞天自然之  
氣以部上部八景鎮在人身上天官中服之  
八年八景見形為已通達幽微之事洞觀自  
然坐在立亡降致天仙千乘萬騎雲與明蓋  
白日登晨

神仙通微靈化圖中部第一真氣頌  
大道妙無像運氣凝高真結空自然生靈化  
表三神朝引五星精中翁日中津夕食黃月  
華霞卧練五仙變景隨空化條欵立自然  
神仙顯靈九天圖中部第二真氣頌

蕭蕭九天氣清澄自高玄慶雲翳重虛金開  
承紫煙中有太極宮道君羅大千青林彌衆  
梵十方並飛天南陔福德堂四座皆須廣散  
華慶我願道通無波津  
神仙九變圖中部第三真氣頌

妙化因空感專思通至靈上食九天氣導引  
五雲精三日練萬神一日九變形脫身遊九  
域遊戲三界庭乘景望太素靈風扇綵軒飛  
煙繞十絕黃幡召萬靈諸天降羽儀鬱鬱入  
上清

神仙常存圖中部第四真氣頌  
默念招幽真專靜神自歸漏盡外應消正氣  
自處微積感妙真降六府生光輝玄會空相  
和萬物應獨迴八景浮雲蓋煥落迅羽儀載  
我大梵外道造乘空飛

神仙守一養身圖中第五真氣頌

導引九天氣摩手耐身形過斷邪魔道備飾  
練光明鳳翔通真氣龍起劍萬靈展且來真  
會養身覺神生怡快還守一靜思正氣伴神  
備景自飛高昇入上清

神仙守神合景圖中第六真氣頌

泥九置魄管中元抱一官丹田三靈府混合  
生神王二開統九天呼吸日月光五星真玄  
滋液演六胃充靜思萬氣歸神安形亦芳三  
部八景真携我入太空長居天地劫無始永  
無終

神仙寂照養精守志圖中第七真氣頌

清朝餐五星專思守泥九正中咽日光默念  
絳府薰黃氣道月精真濯丹田君三真生一  
景變化形自分一見萬神歸攝氣景高奔上  
登日月宮出入觀八門龍漢無終劫妙哉靈  
寶文

芝英玉女圖中第八真氣頌

飄飄散靈氣芝英隨風迴諸天瀝香華日月  
灌靈聯玉女擊金盤聚聚乘空飛仰思真蹟

降咽芝五神開導引光明徹萬劫體不表

靈寶神仙圖曰中第八景神圖以元始靈寶  
洞玄之氣化生自然中第八景在人身中  
元宮致中元生氣精思八年八真見形千來  
萬騎運致神仙羽蓋飛行太空


中真一景喉神名百流放字道通九色洞玄

中元一景真符部一景神



中真二景肺神名素靈生字道早色白洞玄

中元二景真符部二景神




中真三景心神名煥陽昌字道明色赤洞玄

中元三景真符部三景神



中真四景肝神名開君重字道青色青洞玄

中元四景真符部四景神



中真五景膽神名魏德拘字道放色青黃綠

中元五景真符部五景神



中真六景左腎神名春元真字道脚五色衣

中元六景真符部六景神



中真七景右腎神名象他元字道主白四色

中元七景真符部七景神



中其八景牌神名實無全字遺壽正黃已洞  
玄中元八景真符部八景神



神仙圖曰靈寶洞玄中元八景真符以部中  
部八景神其鎮在人身中元宮中服之八年  
中元八景見形為已通靈連神洞觀八方神  
芝玉漿五氣雲牙身中光明神仙乘騎飛行  
太空

神仙六陰玉女圖下部第一真氣頌  
靈飛秀太微玉女翠朱瓊窈窕飛空出飄飄  
乘空生玄妙自然氣六陰安常形懸念希昆  
會仰躬降六丁携景金房內媵婉婉精神玄  
感自相來宜期形與名變化因款發應獨神

目靈  
神仙九元導仙圖下部第二真氣頌  
玉清輝玄都十聖迴紫微神仙披雲出紛紛  
沈羽衣香華隨風散十天乘空飛丹霄輕  
蓋日月灌靈輝仰思妙真降神感回心歸

神仙導引圖下部第三真氣頌  
鬱鬱五雲芝玄輝吐玉光凝津洞靈府徘徊  
日月宮五色理高真流津准十方呼吸不覺  
疾飛天並金容導引餐靈氣玄哺六胃充精  
思易致感安生觀空洞

神仙洞中皇寶圖下部第四真氣頌  
澄氣理太玄蕭蕭群真居下治諸名山洞房  
清且虛五色煥日月列號東仙廚上統紫微  
宮總錄天寶書中有守一士精思待洞開五  
老監魔誠心端情自反身度水大官名入九


天廬苦哉有杵人邊得乘景與  
神仙變化隱側圖下部第五真氣頌  
變化空無中五行光身形洞思自然氣金木  
水火精土為隱側府六戊合景度玉女變衣  
棠老壯應響生細入毫釐菓大包山嶽靈種  
殖通神草身與八史并萬化隨所欲遺遂可  
娛情

神仙採芝開山圖下部第六真氣頌  
靈嶽鬱嶺峻草阜凌景霄五芝秀玄嶺仙草  
茂霜條上有採芝人被服乘羽騰靈洞萬劫


開一煥諸天交得妙安覺淹塵沙如一朝。  
神仙明鏡圖下部第七真氣頌  
妙鏡生威光流煥照八冥洞徹方圓內通真  
別鬼精自然觀重陰照耀諸天形伏魔致神  
仙變化入紫庭

神仙無極太一圖下部第八真氣頌  
煥爛帝一真身生龍鳳文威光動九天焰照  
天團圓上御諸天氣總為萬仙君魏魏至道  
宗落落大乾門  
靈寶神仙圖曰下部八真神圖以元始靈寶


洞玄之氣化生自然下部八景在人身中下  
元宮中致下元生氣精思八年下元八真使  
千乘萬騎運致神仙羽蓋載人俱升七寶林  
中  
下真一景寶神名同未有字道展黃色洞神  
下元一景靈符部一景神




下真三景窮騰神名先騰康字道運黃赤色  
洞神下元二景靈符部二景神



下真三景大小騰神名道運留字道騰黃  
色洞神下元三景靈符部三景神



下真四景胸中神名受厚物字道產九色洞  
神下元四景靈符部四景神




下真五景胃腸神名廣朕字道神白色洞  
神下元五景靈符部五景神



下真六景兩脇神名辟假馬起字道成赤白  
色洞神下元六景靈符部六景神



下真七景左陽神名扶流起字道生青黃色  
色洞神下元七景靈符部七景神



下真八景右陰神名包表明字道生青黃色  
色洞神下元八景靈符部八景神



神仙圖四靈寶洞神下元八景靈符以部下  
部八景神其儀在人身下元官中服之八年  
下元八景見形為人養精補氣鍊體養身  
生光輝八景雲與載人飛行  
玉清七寶神仙圖總三八部真氣頌

蕭蕭三清上擬真大羅天瓊林翠玄臺日月  
煥靈軒飛天梵綠氣駕景乘紫煙靜鬱披雲  
出紛紛靈寶仙道遠七寶林五色煥金銀振  
響來真靈歌慶萬神精思三八景起步登  
霄門

五稱符二十四真圖

案五稱符上經云

子欲求道法先沐浴臭穢當得米井圖

子欲定玉帝投山精當得玉嶽圖

子欲通神靈洗先訣八精當得八史真形圖

子欲通吾行廚當得六甲通靈圖

子欲存吾身致天神當得九宮紫房圖

子欲奉道法當得太清圖

子欲奉順道當得混成圖

子欲通道機當得西昇寶錄圖

子欲通變化當得靈化圖

子欲躡大道當得九天圖

子欲脫身形當得九變圖

子欲隱存身守神當得常存圖

子欲定身心守身神寶當得含景圖

子欲恬淡守一以存身當得養身圖

子欲寂默養其志當得精誠守志圖

子欲清靜潔白致芝英當得芝英玉女圖

子欲婦六丁當得六陰玉女圖

子欲致仙籙當得九元導仙圖

子欲食道氣當得導引圖

子欲治道術當得洞中皇寶圖

子欲為變化當得隱側圖

子欲臨鑪定九丹金液當得太一圖

子欲登五嶽求神仙芝藥當得採芝闌山圖

子欲保神形別邪精魔魘當得明鏡圖

凡二十四真圖天之靈寶也子能得之必得

長生蕭蕭高仙飛步太清也

### 元覽人鳥山形圖

太上曰無數諸天各有人鳥之山有人之象

有鳥之形峯巖峻極不可勝言蓋臺寶殿專

神所居林洞鳥狩木石香花芝草藥不死

之液又難具陳陳之無益於學學者自應精

尋得一知萬了然究知教須題名是故標文

妙象結字聖區寫之以傳上學不泄中人妙

氣之字即是山容其表異相其巖殊姿皆是

妙氣化為成焉玄達之思閉目見之周覽既


畢行久有微妙氣既降內身能飛久鍊得妙

肉去妙充其翔似鳥出遊三界之外其神具

人入宴三清之中總號人鳥學者遊山緣山

至道永保常存自非至精勿妄叩也

人鳥山形圖



太上曰人鳥山之形質是天地人之生根元

氣之所因妙化之所用聖真求其域仙靈併

其神敬而事之存而念之受而帶之精而行

之和而審之無致懈息三氣調均生身赤子

為道種民在世行化入山研方出處自在魔

不敢當於是朝致五嶽使役八溟從三天之

君佩日月之精知之不死習之永生誦之合

智究之同神其山之上元始天王所居其山

之下眾聖真仙所處其山之氣生五色之水

名反魂液液成脂名震禮之香西王母初學

道詣元始天王三十年道成德就應還崑崙

之山臨去辭元始天王共刻銘人鳥山上虛

空之中製作文字字方一丈懸在無中以接

後學于今存焉九老仙都君九系丈人圖畫

山形佩之於肘天帝寫空中之書以附人鳥

之體百年一出以傳真人道士有此山形及

書文備者便得仙度世遊宴崑崙能讀此書

萬過修行不負文官天帝君即遣使雲車羽

蓋來迎不須服御丹液無勞導引屈伸精之

不休自獲昇天矣太上曰凡能清齋三月別

於靜室修行仙人嘗降自以文字語人受之  
靈運得成真道士佩之役使萬神正月有  
甲子二月有壬申三月有戊子一年之中唯  
取三日祭懸山形於金鏡之上相傳口訣之  
事慎勿妄泄書文若年中無此三日或有而

遊運趣得甲子一年三際也際時皆齋清嚴  
禁斷明月之夜露出中庭不須壇祭不可他  
知密自灑掃淨席南向光敷別席向北施禮  
先以明鏡九寸面者置座中央紫紋複傘以  
單座上紫錦囊巾覆藉山國王安鏡中清酒

三。梳置圓之前香脯棗栗圓施鏡外酌酒半  
梳漱口捨香印位閉目叩齒三通存思依常  
為鼓發爐亦如常法又三捨香臨目見太上  
大道十方天尊元始真人人鳥山元氣生神  
大帝君雲駕羅列布滿空中同末向座良久

仍密稱名位姓姓名來請太上大道十方  
天尊元始真人人鳥山元氣生神大帝君一  
切諸靈官今日吉時良散薦芬芳表獻至誠  
仰希垂降臣某某等稽首禮拜仍禮三拜伏

地聞日希神休座良久乃起又三招酒長跪

稱位姓姓名上啓  
太上大道君十方天尊元始真人人鳥山元  
氣生神大帝君一切神明臣某某等思得見今  
日奉對尊神喜懼交集唯願大慈開度當使  
臣某某學道得道求仙得仙神通自在永保長

存小醜賤臣某某不敢多陳不勝踴躍屏營謹  
稽首禮拜三拜畢三招酒招畢又啓如此三  
招三啓都畢三捨香啓起侍送神稱位姓某某  
姓名上啓

太上大道十方天尊元始真人人鳥山元氣  
生神大帝君一切靈官緣思上請紆迴靈儀  
神駕已整還昇三清臣某某懇慕俯仰屏營唯  
願大慈流布洪恩臣某某得道謁見王宮後且  
有請仰希垂降臣某某稽首禮拜訖起復爐  
香復爐畢東一梳酒瀉浸四周畢依次飲之

也同志者還房違昨不得妄與非法之人夫  
妻接待皆同此法不同不得交會此禁至重  
明各慎之清齋千日丹書山形於簿紙上方  
三寸至五寸玉池之泉向王吞服一服長生  
不死二服神仙飛行三服昇登尊位與道合

同清齋起圖佩之三年晨夕誦文吉日修事  
慎然如始一千日限足遊行山澤咸制五嶽  
三河四海八溟九地一切神靈奉迎拜謁功  
德流布五年七年不過九年超登三清矣  
雲笈七籤卷之八十